

LIBRARY OF CONGRESS



0 017 130 960 8

木氏宗譜

壬申秋

袁嘉穀書



LIBRARY OF CONGRESS



0 017 130 961 A

木氏宦譜序

楊子曰夫家於天地有與立焉姓氏是也姓氏之說不明於世者矣
籍冢云々者紛如也而卒莫之訂焉衆言淆亂曷折諸聖乎孔子
易之傳首擲伏羲氏次曰神農氏次曰黃帝氏之說昉於此乎史載
伏羲之姓曰風神農曰姜黃帝曰姬姓之說昉於此乎左傳曰天子命
德因生以賜姓亦既哲焉後世昧之以氏為姓以姓為氏而臨文用字姓
氏互稱宿儒且朦焉况眊庶耶夫豈朦者繫亦有由焉古者帝王之賜姓命
氏者或氏於國或氏於爵或氏於官或氏於字或氏於事或氏於居或
氏於志齊魯吳楚所謂國也王侯公卿所謂爵也脩魚莢鳩中行下軍
耶謂官也伯有孟孫子服叔子所謂字也闕龍御龍園龜折龜所謂事
也東里西門南宮北郭所謂居也三鳥五鹿青牛白馬所謂志也凡厥姓氏
骨此例出可以一况難勝載也余觀

嚴江木氏官譜而有感焉木氏之先始於葉古年當唐武德世仕為總
兵官壹傳上元中為秋陽再傳天寶中為陽谷叁傳為谷工肆傳為工
蒙則貞元之元也宦更嚴水節度使矣伍傳為蒙汪當貞元之叁年以
殪戎功晉武勲公於是始大繼武勲功者陸傳為汪完柒傳元和中為
完濃捌傳為濃可值太和中官改越析軍民摠管云玖傳則可同咸通
肆年南詔陷交趾有功復任武勲公事拾傳而同庚拾壹傳而庚沽皆繼為
公傳拾貳寔曰沽犀乾興肆年改為武英侯傳拾叁曰犀叅乃宋至和中
更庠娑詔大酋長段氏莫能有也嗣大酋長者政和中拾肆傳之叅祿拾
伍傳則致大將軍祿麥也祿麥傳麥琮為拾陸葉生柒齡不習而識文字及長
旁通吐蕃白蛮諸方書入深山食盜漿聞雲中禽語皆諳之蓋異於人也其族
亦大矣拾柒葉為宗良時元世祖親征大理良兵迎於刺巴江口遂破巨津
州半空和砦生擒叛賊阿他刺叙績陞茶罕章宣慰司又從尅大理擒段

興智功列蒙古將兀良合台之右陞授副元帥賜虎符金牌還鎮摩娑又
破鐵橋城華馬國加授銀印為提調諸路統軍司拾捌傳則良兀襲
元帥之職拾玖傳兀亮至元之杪改置麗江路軍民總管府貳拾傳亮甲
罷府置宣撫司尋比旋好改通安州知州甲之長子得復陞麗江宣撫司副使
皇帝洪武壬戌天兵南下率衆先附

欽賜姓木名曰得字自然攻破石門關鐵橋城

錫綸誥陞本府世襲土官知府得長子名初字啓元以軍功

錫金牌又陞西平侯征景東永寧菴葉及四川益井重

錫綸誥散官壹階金刻誠心報國字帶壹束初長子名土字養民繼前職土

長子名森字升榮從尚書王驥征麓川給

誥陞太中大夫資治少尹雲南布政司叅政森長子嶽字惟高襲知府嶽

長子泰字本安繼惟高職泰長子定字靜之

誥晉中順大夫定長子公宇恕鄉號雪山繼職如前嘉靖丁亥尋甸武定之亂有功奉

誥陞中憲大夫世襲知府

王音嘉賜輯寧邊境肆字及文幣寶鏹嘉靖庚子安南莫登瀛叛以調兵功恩賚白金壹錠其增光充拓焯昭先烈卓矣雪山植學校藻翬英士林於是修其姓氏譜謀永昌少司徒南國張君序之郵以示慎屬繼序其後余觀其世自唐初至元皆胙土命氏千餘年未嘗中微

聖朝賜姓同古封建其宗法相傳不置妾媵嫡子世繼者貳拾柒葉尤自古世家所無也况其沉釜卧鼓使中國不復知有西夷之患其盛宜哉左傳云晉拜戎不暇䟽家表之以為封建之效余謂晉之拜戎中宇雖偷安而國容貶矣厥後享和戎之利亦僅強人意豈若我

聖代奄萬方服四裔麗江之禦蕃恒以威勝拜云和云蔓矣猶矣則

天威長羅馭遠過周室而木氏之績視晉豈多讓歟稽昔文侯之命紀於尚書不啻如左氏之傳而已他日讀書當有如文中字者書之或有微於菴言也夫

嘉靖貳拾肆年歲在乙巳孟冬拾月陸日

賜進士及第第壹人前翰林院脩撰

經筵講官國史纂脩校正官成都楊慎書

共說滇蕃沐國公千年邢似木家風表忠舊

觀留錢氏

沿郡諸山寺院多木家香火

歸命新朝媿竇融石鼓

早平邊塞險鐵橋猶紀外蕃功披圖再讀

升菴序前代衣冠不同

本朝雍正初置嚴江府土府改襲通判

余既題

木氏先圖復賦一律系升菴叙後雙南外史劉鏜并書

道光二十年庚子冬月六日

木氏歸命
永世山圖



署麗江府知府兼中甸所事南海陳劍鏗題



木氏宦譜後序

余讀楊升菴木氏宦譜序稱木氏之先始於葉古年當唐武德世仕為總兵四傳為工蒙則貞元之元官更麗水節度使五傳為蒙汪當貞元三年以殪戎功晉武勳公於是始大八傳為濃可值太和中官改越析軍民總管九傳則可同咸通四年南詔陷交趾有功復任武勳公事十傳曰同庚十一傳曰庚沾皆繼為公十二傳實曰沾犀乾興四年改為武英侯傳十三曰犀泰宋至和中更摩娑詔十五傳麥祿則至大將軍祿麥也祿麥傳麥琮為十六葉今閱木氏先世圖像則以麥琮為第二傳其生父曰爺爺者本西域蒙古人好東典佛教宋徽宗年間乘一大香樹浮入金江夷人異之率迎登岸妻以女生阿琮年樂年保取為嗣襲大將軍職意年樂年保殆即祿麥與三世為阿良迎元世祖兵於刺巴江口從征大理生擒投智興授副元帥賜虎符金牌還鎮摩娑又破鐵橋等功加賜銀印即升菴所謂十七傳也七傳至阿得洪武十五年率眾歸順賜木姓從傳友德軍攻破石門關鐵鎖城入朝明太祖命世襲土官知府蓋木氏之得姓始此十四傳曰木公號雪山升菴修其姓氏譜牒稱其植學校藝斐英士林永昌張南國為之序蓋以所生為始則十四傳而以所後為始則已二十七葉矣自是十七傳為木旺十八傳為木青父子致命邊疆世濟忠烈二十傳為木懿七載幽囚守義不屈二十四傳曰木鐘雍正初襲職四十餘日恭值我

朝化行無外麗江置府於是木氏降襲土通判繼以至於今又凡幾世皆升菴之所未見統而溯之蓋幾四十傳矣夫以升菴之序與木氏今日之圖參互考訂其世數所以不同實以阿琮繼嗣祿麥而今之木氏又自推崇其所生之爺爺以為初祖與前譜相歧其或當接贏呂馬牛之例多為先後紀者如升菴之博雅尚不明著其說予小子何敢妄論要其節威世繼傳數十葉千有餘年雖在夷裔亦史乘所罕見也余觀麗江山川奇傑据滇蜀西北之上游當蕃蕪東南之扼塞地產五金俗區各種民蕃物盛與內地之通都大邑無殊迺自開闢以來僻在荒徼至我

朝始入版圖迄今百有餘年民爭濯磨士競科名文物聲明與諸華伍蓋上以見我國家威德遠邁前古下以見木氏之歸命保世亦非偶然故擇其尤著者各采以詩而於其盛衰終始一歸諸天以附竊取之義匪敢比於文中而與升菴競淹博也並著其圖序世次所以不同者作為後序書而歸其嗣木漢使永菴之肯

道光辛丑季夏望後三日南海陳釗鏗序

牟樂牟保為祿麥不傳族而傳賢大哉宜形江之昌也初接言甌馬暖昧之俗則不可琮之嗣牟保為世宗之於周明宗之於後唐耳為人子孫其尊其祖父不得混於牟保以前宜也而仍大書曰牟保阿琮為蒙氏風迥異；上于尊肉勸之俗以明業為葉古之業也帝王之裔降興臺茅土之家夷僕隸牟且二千世殆三十鳴虜盛哉再攷之木氏根必傷柳可懼矣勉乎哉悟之以德同治乙丑中夏朔日定作曹永賢跋後序

非僧犯術古何人香木
浮未麗水濱天以石門
資世鎮遠凌西域產金
麟

雙南外史



一世考

肇基始祖名曰爺爺宋徽宗年間到雪山原西域蒙古人也初崑崙山中
結一龕於岩穴好東典佛教終日跌坐禪定忽起一蛟雷雨交興之際乘
一大香樹浮入金江流至北浪滄夷人望而異之率衆遠迎遂登岸上時
有白沙羨陶阿古為野人長見其容貌蒼古離奇驗其舉止安詳鎮靜心
甚異之遂以女配焉俗興祭賓另擇一地而祀於從俗之中便寓離俗之
意是時村長分有五支一云千羅睦督二云甸起選三云阿娘揮四云刺
宛五云瓦均阿乃願崇爺爺為五家之長時年樂年保自稱為大將軍
爺爺生有一子名曰阿琮生而奇穎過人年樂年保見而異之撫以為
嗣襲大將軍之職噫根深木茂源遠流長古今世族每攷肇基定多奇蹟於
此可以見矣

正妻阿氏

生一子曰琮

右錄大概備觀其餘細事另有宗譜

有葛嶽半鳴云
冶通鳥語一飲
玉龍水已與飛
仙侶後笑醫段
王雪山成固圍

晉之陳刻挂



二世考

年保阿琮即爺爺子也生七歲不學而識文字及長旁通百蠻各家諸書以為神通之說且制本方文字偶入五龍山見一石盎中清水飲之聞林鳥音遂語禽獸等語衆相稱異名達大理詔王段氏未信來迎聘時有數鴉飛噪問之言山後有馬斃往食俄二鴉相鳴再請云此鴉言前坡蒼熟可以就食彼鳩應不可坡頂栢樹巢鷹使觀果應如是者屢驗加禮甚敬母往厚贈時摩娑各族枝分部相長嗣咸感其推誠服衆敦德化人合歸尊主夫忠信以開金鑄之業而順子賢孫無疆永福天豈偶生哉善闡國烏思藏等界戴為生知聖人嗚呼木氏淵源繼續蓋有由於是故君子創業垂統為可繼於千百世焉
正妻阿室丘係羨陶氏化戟女
生一子曰良繼父位

右錄大概備觀其餘細事另有宗譜

擒渠膺節鉞開府鎮
摩娑大長真無愧英
名似尉陀 晉之



三世考

阿琮阿良宗理宗寶佑元年蒙古憲宗命御弟元世宗忽必烈親征大理良迎兵於刺巴江口錫賚甚厚寵渥優禮將授職為茶罕章官良官賜地名云丽江郡後遂破巨津州生擒叛賊功陞茶罕章宣慰司尋而攻拔大各寨又同尅大理擒獲段興智功列蒙古將兀良合台之右陞授副元帥錫節鉞虎符金牌一面兀良合台還鎮大理琮良還鎮摩娑詔乃錫命稱云添睦貞吉後又破鐵橋城華馬國世祖至元中加授銀印重肆拾捌兩一顆為提調諸路統軍司其所屬者越析郡柏興府永寧府北勝府浪蕩州羅、斯白狼槃木夷獠等處地方無不管束至元十一年疊蒙

皇帝頒給

龍章恩榮

誥命授金紫光祿大夫統軍司進開府儀同三司

正妻阿寶于先係于羅木土

誥封國夫人

生三子長男阿胡繼父職



四世考

阿良阿胡 良之嫡長繼父襲元仰之職
至元九年為茶罕章管民官而襲元帥
成宗元貞元年蒙

皇帝聖旨褒嘉給

龍章恩榮

誥命授正奉大夫護軍宣慰司

正妻阿室刺母係羨陶氏和揮女

誥封颯夫人

生三子長男阿烈繼父職



五世考

阿胡阿烈胡之嫡長繼父襲元帥之職

順帝至元十三年改置廉江路軍民總管府所屬府壹北勝
州柒通安巨津寶山蘭州永寧蕋蕋順州縣壹臨西十五年
授弟阿吉巨甸軍民管民官安撫司并蒙

皇帝聖旨褒嘉恩榮

誥命授太中大夫輕車都慰總管

正妻阿室文蒙阿加係刺巴刺土女

誥封昶夫人

生子阿甲繼父職



六世考

阿烈阿甲 字元德

順帝至元二十二年罷府置宣撫司尋改為

通安州知州蒙

皇帝褒嘉恩榮

誥命授朝請大夫騎都尉上州尹知州加正三品

正妻阿都劍川蒙古氏

誥封恭人

生四子

長男阿得繼父職

知命早占龍席
氣從王躬率鶴
鶴軍明家三百
河山永世金符
一郡分

晉之



七世考

知府阿甲阿得 官諱木得字自然諱垣忠元末任通安州知州復陞
改麗江宣撫司副使 大明洪武十五年率衆歸順蒙征南將軍奏
聞蒙

欽賜木姓後隨總兵官征南將軍太子太師穎國公傅友德克佛先寨元右丞
普穎篤自焚又西蕃大酋卜剌將頽賊衆侵占北浪滄地面令長男阿初
攻退訖隨攻吐務府擒馮大惠之裔土酋偽平章高生尋為義殺獻後
改州四又領兵跟隨傅國公攻破石門回鐵鎖城等處有功朝覲
太祖嘉其偉績授

誥命一道陞改授世襲土官知府職事中順大夫防固石門鎮禦土蕃錫匾

額四字云誠心報國 洪武二十二年庚午十月卒 公於元武宗至大回

年辛亥生 正妻阿室社係照磨訖三必村和畧可女

誥封恭人 生三子 長男阿初繼父職



八世考

知府木初字啟元號始春洪武十六年未襲已有偉績授千夫長兼試百戶職事繼各處征伐生擒衆賊五次有功於二十四年承襲父職本年赴京朝覲

欽賜

誥命一道授中順大夫世襲土官知府繼隨都督馮城征進永寧州攻破葭蘗接境白交等叛賊又同都督寧遠侯何福接應官軍征服四川鹽井衛左所等處叛賊有功又同大理衛李指揮征進草石阿惱兀等寨生擒叛賊有功隨改置麗江軍民府頒給印信一顆擬議敕命裨揚塘鎮節制西蕃禮祭機變浚宜擯相體統行事以彰國威即令長男阿土赴京朝

賀蒙

欽賜甚厚永樂四年賜督鎮

敕書一道叙巨津臨西等處功事陞授中憲大夫其疊次建功賚予甚繁難以盡述俱載

宗譜

公生於元至正五年乙酉於洪熙元年乙巳十二月卒

正妻阿室阿木相官名阿室撒係通安州土千戶阿木女

誥封恭人後生七子

長男木土繼父職



九世考

知府木土 字養民 號培元

永樂十七年 月 愉馬匹 方物 隨例進

貢蒙

欽准替職 賜鈔錠 俸假 表禮及文憑 乙道為議 蒙與情蒙

欽頒勅乙道 令宣不令調蒙

浩命特封 為中順大夫 世襲生府

宣德三年 先石門 闕阿 号文 肆刻不悞 乞領兵 攻捕 隨開 執道

叔服 夷衆 後八年 又集兵 肆掠 仍領兵 攻捕 遂傾心 歸服 又永寧

蕃賊 擄寶山 知州 乞執 領兵 設策 取回 訖

乞生 於元 至正 甲辰 於宣 德八年 癸丑 卒

正妻 阿室甫 係詔 慶府 土知 府高 仲女 官名 高氏 護

正統 五年 以子 軍功 蒙賜

誥命 乙道 贈太 中大夫 恭政 職銜

正妻 高氏 贈封 誥人

生七 子長 男木 森 繼父 職



十世考

知府木森 字升榮号大林

宣德九年保勘藝職上位領兵從總兵官定遠王沐忠致晟征
進麓川緬寇當時以委軍馬逃散惟丽江奮勇先降通江燒營
柵七寨生擒賊首獲象二隻又沒折首兵數蒙犒賞銀碗
花牌緞疋等項復蒙

誥命乙道給授太中大夫資治少尹雲南布政使司叅政職事
贈封二代於省上位訖 巡撫雲南都御史丁汝題疏舉揚
獎勵從制靖遠侯王忠毅公征麓川遣兵阻克前攻俘馘無
數又獲象乙隻攻破思任發柵寨弓功

公生於洪武三十四年辛巳於正統六年卒

正妻阿家里木保巡檢阿佉女

誥封淑人生三子長男木嶽襲父職



十一世考

知府木嶽字惟高號峻齋

正統七年保勘襲職上任景泰二年蕃寇阿剌侵據巨津州三年蘭州知州被賊謀害奉文親率兵追擊獲賊無數又六年寶山州白的等處被蕃賊剽掠奉文率兵征討生擒賊首天順六年得勝刺寶魯普瓦寨鼠羅休羅占普瓦寨八年得勝鼠羅刺羅岩那瓦寨里倭見能瓦寨里倭梅矢瓦寨成化四年得勝你那母來各寨當瓦寨木都瓦寨岩甸寨六年得勝為習下接具加瓦寨相必瓦寨刺木瓦寨刺何場寨十八年得勝照可其琮刺普均里場其三佉丁十九年得勝忠甸早瓦寨二十年得勝忠甸僭羅投降隨例差人進貢叙功蒙賜

誥命給授太中大夫世襲知府

公生宣德己酉年於成化二十一年乙巳年 正妻阿室順係鶴慶高知府女

誥封淑人 生十三男長木泰襲父職



十二世考

知府木泰字本安號介聖成化二十一年承襲任事蕃寇阿加南八侵犯白
甸諸寨親領兵追擊得勝鼠羅直公寨可埒寨吾牙寨鼠羅于楊寨別甸
寨照可加日寨二十三年蕃寇阿加那立等衆大掠巨津州村寨親領兵征戰
三次生擒八十九名落江死者無數又得勝你那巴羅岩瓦寨中甸托散佉玉寨
均集玉寨空立玉寨見沙各寨又鼠羅托其羅寨又四川接境野蕃釀禍先機為
亂領兵征勦蒙 總兵官征南將軍太師黔國公沐武僖公琮題

奏給賜諡州沙關村田置佃名曰奉地庄傳世子孫本年蕃寇作亂征勦得勝忠甸伽
攢西里佉寨大當香各寨年玉寨又建立岩那瓦寨又得勝瓦日瓦寨西里瓦寨刺甲
瓦寨大年玉瓦寨你那香各瓦寨魯瓦寨古普瓦以上手卜瓦寨岩瓦寨木俸瓦
寨迷刺岩瓦寨佉那瓦寨立堯各寨玉刺寨揮佉寨刺紅瓦寨手立瓦寨托普
瓦寨隨奉

誥命一道授太中大夫世襲土官知府

公生景泰六年于宏治十五年壬戌卒 正妻阿室卷係鄧川州阿知州女

長男木定繼父職



十三世考

知府木定字靜之號永明

完治十六年襲職正德三年得勝你那位仲寨天龍寨阿得苗等處又陶目以下夷
衆歸服并索立大香甸又得勝那古牙烈瓦寨鼠羅魯彌寨並羅瓦失瓦寨節落梅
失瓦寨光失伴甸投降得勝中甸干那瓦寨你那各振刺紅瓦寨鼠羅長安寨
你那阿陶等處又得勝中甸于甸干普瓦寨永寧麻瓦寨鼠羅香各瓦寨鼠
羅瓦托處可瓦寨永寧木倭瓦寨麻瓦寨又攻破你那陶索寨處羅也音寨木
勝寨又救護鄰封永字有功鎮院會

題紀錄獎牌表裏又得勝你那欠保五村刺加失村以下又得勝照可羅那村以上
立西以下又得勝你那必魯各寨並井那勝寨隨奉

誥命一道授中憲大夫世襲土官知府

公生成化二十年於嘉靖五年丙戌卒

正妻阿室香官名高氏延壽妙香係北勝州高知州女

誥封茶人 生二子長男木公繼父職



十四世考

知府木公字恕卿號雪山又萬松嘉靖六年襲職本年得勝你那必魯各寨益井那勝寨陶索西原寨欠甸寨本年尋甸安鳳作叛七年內犯圍省誥府兵有功賞蒙總兵官征南將軍太師黔國公沐敏靖公紹勛征錄奏

聞八年得勝建立永寧大海寨海螺寨當琮天勝寨小寨鼠羅光世寨忠甸年各羊惱寨十五年安撫那勝天柱寨鼠羅鐵柱寨香押寨平虜天保寨金柱寨里托等處中甸高勝寨九年安南叛亂坐誥府兵集選待征蒙兵部尚書毛題稱分定哨道命賞白金又得勝香水勝新寨天保寨勝保寨你那天高寨長勝寨命長男阿目願兵得勝毛佉各驥粗當來魯古以下又安撫中甸千陶各伴以下立中甸天生寨隨奉誥命一道授中憲大夫世襲知府 嘉賜玉音輯寧邊境四字

公生宏治七年於嘉靖三十二年九月卒

正妻阿室蒙官名鳳氏睦武定府鳳知府女 生一子曰高繼父職

誥封恭人 嘉靖四十年以子追賜

誥命一道授中憲大夫 正妻鳳氏為淑人



十五世考

知府木高字守貴號端峯又九江嘉靖三十三年建立你那天接黃金橋四年襲
知麗江軍民府本年得勝建立氣羅那水天掌寨立各以下歸服八年孫蒲賊衆
來圍忠甸命男頌兵救援殺賊有功蒙授三品文職照例差人赴京進

貢三臺允給廩糧十分馬十疋

誥命一道授亞中大夫其褒辭畧云誠心報國割股奉親化行邊徼威振北蕃以德其名
忠孝兩盡因才而譽文武兼全茲特陞爾官居三品位列九卿永爲喬木世家云云
誥封正妻爲喬木世家隨夫受職三品淑人

勅賜玉音喬木世家四字准建坊并賞絲緞表禮寶鈔六百錠四十二年令長男阿都救接勝
保寨前進氣羅安撫磁各立壓地寨又遣長男征討巴托各立等處叛賊孫蒲悉皆
誅

公生正德十年乙亥於隆慶二年戊辰卒

正妻阿室毛官名左氏淑人蒙化左知府女 生三子長男木東繼父職



十六世考

知府木東字震陽號文崑又鬱華 隆慶三年保勘襲知府世職本年建立你那天

喜寨六年你那利干毛相刀胡目自身叩頭悔贖前愆又建立香水雷勝寨

敕賜西北藩籬四字准建坊及賞綵緞表禮寶鈔六百錠本年親征刺秋光命長男阿勝

統兵前進那其音你保等處斬叛賊甚多五年蓄賊犯界你那毛佺各命長男阿勝

領兵征討賊將預聚數萬占據刀那丁思江口阿西集直岩寨二處扎營拒敵後力攻破斬

賊首直擣巢穴兵至娘的果宗草那木春干陶其尼阿西你王畧哨等處荒服地方悉

皆平服七年建立香水勝烈寨又立俸揚寨隨例赴京進貢奉

誥命一道陞授中憲大夫 正妻高氏封為恭人生三子

公生嘉靖十三年甲午於萬曆七年己卯卒

正妻阿室魯官名高氏嫺係北勝州高知州女

長男木旺繼父職

父子皆殉義尤難量外
滿千秋西嶺雪垂白表
忠魂未青今 晉之



十七世考

知府木旺字萬春號玉龍又神崗 萬歷八年保勘襲職本年建立照可立習各天靈寨十年永寧會五所兵毀傷鼠羅村寨二十七處親領兵殺退本年八月又親領大兵分軍前至鼠羅刀立左所約衆兵圍營殺潰解圍十一年西寇叛亂助餉數千又親領兵殺進永寧攻克阿羅光立寨又建立天佑寨本年征緬再助餉銀又建立香柱寨隨至刺他撫得香水戰買羅相丈明原等一槩地方又建立卜瓦寶之寨本年刺他西番暗結五所來圍香柱寨親領援急得勝本年蒙吐撫蕭具奏給

誥命一道授中憲大夫正妻羅氏寧封為恭人本年建立照可均魯兀寨又建立你那三巴丁仗戲鎖橋又修你那昭蒼城又建立巴托卜習城緬寇圍困永騰親領兵前去救援遂終於陣奉皇帝誥云木旺性生忠孝才裕武文竭力禦蕃苦心守祀適值

王師西討不辭赤仄頻供當事疊旌中朝予誥因志存乎靖亂遂身斃於臨戎九原增耀知陟降之在天百世其昌卜貼謀之長世等語 崇禎四年以孫追贈二品給

誥命一道授封通奉大夫布政使職銜

公生嘉靖三十年於萬歷二十四年丙

正妻阿室能官名羅氏寧係蘭州羅知州女追

封為夫人 生三子長子木青繼父職



十八世考

知府木青字長生號喬岳又號鶴松未襲職之先萬曆二十年雲龍州力種劫五井司提舉皇益作耗奉征南將軍黔國公及兩臺明文親領兵隨征有功蒙獎花牌表禮二十四年襲職管事二十五年順寧

大侯州逆叛報助餉銀四千隨例進

貢榮給

誥命一道授中憲大夫正妻羅氏春封為恭人隨奉文親領土兵進征

大侯州遂卒於軍後以子追封給

誥命封通政大夫布政使司職銜

皇帝誥云有賈勇率師捐軀赴義者尤廟堂之所崇也爾乃土官木

增之父不得於身則得於子而身殞則名益彰靈英實式承之服此休

光賁乎泉壤等語公生隆慶三年己巳於萬曆二十五年丁酉卒

正妻阿室加官名羅氏春係蘭州羅知州女

誥封夫人 生一子木增繼父職



十九世考

知府木增字長鄉號華岳又生白萬歷二十六年保勘襲職本年香水阿丈刺毛叛攻剽得勝次年又平香水好堯叛本司代奏

欽依准襲祖職本年親領兵到忠甸平服干普瓦把托珍蒲等率部投降又剽照可巴托殺賊得勝通詳三臺題叙隨例進貢茶慶

聖壽欽賜及妻紵綵緙紗羅靴鞵等項并給

鎮邊勅一道繼因遼陽大警餉銀一萬解京戶部移咨兵部會題蒙

欽加三品服色又差人赴

關陳言十事 朝廷褒以忠蓋

欽賜忠義牌坊吏部覆題

欽陞雲南布政使司右叅政 天啓四年告政致事又給

誥命一道并追封祖母本年又勅大工隨差奏為母節七年

欽准建坊表揚節烈 崇禎元年奉文領兵捕獲雲龍叛賊又勅京及黔餉蒙總督朱題請

欽陞廣西布政使司右布政七年鶴慶捐修 文廟於鄉飲酒禮學道敦請後入鄉賢十年恢

復照可揭立吏部覆題

欽陞四川布政使司左布政

勅諭一道着於省城建坊以風勵諸省土司十六年劍川百戶李永願弟兄嘯聚弒知州

本府奉文擒獲無遺解院捐坊工用急克京餉在南都蒙

欽加太僕寺正卿陞奉

聖旨准太僕寺正卿晉階尋蒙閩族優加移司照會

公生於萬曆丁亥年八月十七日卒於隆武丙戌年八月朔日 正妻阿室子官名祿

氏繁係寧州知州女 生四子長男木懿繼父職

七載幽囚美
里心堅貞明
難比精全提
誠更羨知
王命爭似隗
冀枉坐擒晉之



二十世考

知府木懿字崑崙號台美自幼穎異愛敬渾全風具胆識父靜攝芝山公承襲崇禎九年番蠻必哩猖獗公承嚴命征服後浪渠阿永年爭職仇殺公奉兩院檄親征平復奉

旨將浪渠州屬麗江隨

授誥命一道封中憲大夫雲南布政使司右叅政銜頒賜紵表禮鈔錠隨賜匾額蓋忠貞四字

着於省城建坊十六年 巡撫吳兆元具

題歷來忠順不侵不詐緣由奉

聖旨准封父太僕寺正卿晉階賜位列九卿四字建坊至丁亥年流寇久亂搜掠歷代

勅誥牒物焚掠一空幸雲開見日適逢

大清順治十六年大師臨滇公爭先投誠於十七年奉

吏部頒給劄付一道麗江府印一顆公迎焚香百拜到任後吳逆到滇心懷不軌欲結吐蕃以為外援見地

方防禦嚴密着備土兵公秉正不從吳逆懷恨將元朝所賜鎮邊金印一顆三台銀印一顆併追去之將原管

江外照可等處五大地方割送吐蕃以為和好之計錢糧累公賠納至

康熙八年始蒙 撫部院李具 題豁免彼時滇省土司盡授偽職爭換劄付以媚吳逆獨公寧死不繳留與子孫

以彰忠義吳逆恨甚拿赴雲南省城囚禁七載又將麓轄江內之共宗刺普歸併吐蕃錢糧仍累公

賠納至

雲貴總督范任內具

題豁免所著功績雖未蒙議叙當時後世無不載在口碑至壽愈耄耄四世一堂更非尋常比也

公生於萬曆戊申年五月望日生

康熙壬申年正月晦日卒

正妻祿氏官保武定府世宦女追封二品淑人生四子 長子木靖繼父職



二十一世考

知府木櫪字君章號治安靖之胞弟童之生父也因靖撫養壺為應龍公素性沉靜惟知誦經拜佛世務人情度外置之而已

康熙十一年靖故壺應襲職不忍令父獨無 恩榮援兄終弟及之例詳 巡撫雲南都察院李具 題頂龍蒙准所請於本年承龍公

雖受職地方內外事體皆壺辦理在任六載地方寧靜公得安其淡漠之天至 康熙十九年因患痰濕告替還壺致仕

公生於崇禎元年正月十五日子時生於 康熙甲申年七月十五日亥時卒後於 康熙二十七年十月二十三日咨遇

覃恩子壺具文詳請追封隨頒得

誥命一道授中憲大夫世襲麗江府知府

母羅氏慶係蘭州土舍親女

誥封茶人 生十子長曰木壺頂襲父職



二十二世考

知府木壘字中嵩號華嶽公秉性忠孝剛毅多才及至承襲不忍令父獨無恩榮與文申詳援兄終弟及之例讓父邀榮具 題准襲褒嘉大義榮膺六載隨請告休時吳逆虎踞滇省公不從叛查明夥黨密遣頭人入蜀赴

勇畧將軍趙 軍前投誠蒙給密諭優賞獎勵公遵諭即調夷衆於邱塘關砌墻堵禦 康熙十九年又奉 鎮守建昌總鎮王將軍標下副總府王密諭公速調土兵

二千共圖進取又奉勇畧將軍雲貴總督趙諭己知忠義再圖首倡自當議叙又蒙欽命定遠平寇大將軍固山貝子溫諭旌獎賚賞隨於康熙二十年内 題請優叙頒

給印信給牌一張令其料機務仍着小心防禦後復奉諭云該府啓稱足見懷忠抱義為

國効力之心今大兵前往楚雄進勦該府即點部兵共相協力擒殺適有逆黨胡國柱

等七人統兵萬餘奔潰至麗欲潛渡江鈞引吐蕃復出為患公着人詐指路途密諭野人埋伏江外親身領衆捕殺國柱等見兵馬俱斃計窮自盡而獲器械報明

固山貝子王訖隨奉總督部院蔡具題承襲於 康熙二十三年四月内

吏部頒給麗江府世襲土知府號紙乙道因患疾濕告替與嫡男木興其功雖未蒙議叙而名揚四方忠孝已伸臨終將各 憲印信文憑一束交與長子以為子孫倡

義 公於順治丁亥年六月初六日辰時生於 康熙戊子年八月廿八日戌時卒

誥授中憲大夫世襲麗江府土知府 正妻高氏寧係姚安土同知親女

誥封正四品茶人

生子八人次子木興襲父職

二十三世考

知府木興字維新號雪城公生而穎異博稽羣書及長通達政務尤工於詩字時雲貴制軍蔣見其詩字屢命以吟題賜予往來甚蒙優渥於康熙三十年吏部頒給劄付一道頂襲父職上任捐劄文廟設立義館康熙五十九年師出西藏公克承忠義報効心殷詳請挑選土兵二千隨征進討奉兩院憲牌先備調一千委公總理軍務親領五百名幫安台站搭造橋船偵探鄉導護理糧餉再給應襲木崇隨征遊擊職銜劄付一道領土兵五百名隨師進征另在

欽差大人伍

標下聽遣以作先鋒搭橋開路奮勇直前公至刺普地方擺台人巴松阻路土兵

殺之搜獲所耽擱公文行至阿墩子地方始知擺台巴松係川督年心腹人驚惶之時又接獲雲貴部院蔣密諭抄發川督年 控詞具

奏一案驚悸得疾漸加重拮据到家病故子木崇在邊餐雪宿露亦染寒濕遂成浮腫之症及至回師不可醫治父子相繼為

國身亡軍興効命以來懷忠抱赤之誠承辦呼應之苦雖未蒙議叙至今噴之人口古云鞠躬盡瘁死而後已公父子共殆庶幾乎

公於康熙丁未年三月十三日子時生

康熙庚子年十一月初九日辰時卒

先於二十四年恭遇

覃恩得領

誥命一軸授中憲大夫世襲江府土知府

正妻陸氏隆係武定府陸氏官女無出撫養血姪木崇

木崇妻高氏成玉係鶴慶土

司高女亦乏嗣



二十四世考

原任知府木鐘字雲林號永茂垂之嫡四子也繼兄職公自幼純雅賦性友愛於康熙五十九年軍興西藏胞兄血姪勤勞効死相繼物故閭府舍目耆民等公保繼襲接辦軍務竭力報効隨奉 雲貴總督部院張准委管理土府事務僅四十餘日逢族人阿知立等因興崇繼亡心生覬覦首眾為謀捏控胞兄任內五虎十四彪頭人指公攔汙事案詎雲貴總督高與川督年公有舊受囑復巴松之恨因此具 題改設蹂流以土府易流府流通判換土通判委初任麗江府楊 盤查視事反以首從唆訟等人用作六房鄉約復將公遣發至劍辦納錢糧軟困禁比復着掌案追去巴松前沉欄公文數束並祖遺田冊憑據卷宗等項盡行焚毀幸正配高氏頗識翰墨曾將

勅書誥命及各 憲功牌諭帖謹慎藏匿夫卷宗已毀報出興崇任內軍需虧空萬有餘金等語竟將祖宅田產變賣填補公在劍陽聞知家產破散飲食不進竟成瘡疾甫迎到家病故計公委任數日之中危疑憂患内外交攻以致朝夕扼腕竟含淚而赴九泉矣

公於康熙丁卯年七月十七日亥時生 雍正乙巳年七月三十日亥時卒 後十三年九月初首奏達 覃恩誥命一道追封為

特授正六品承德郎 正妻高氏壽係姚安高同知女

封為安人 生三子長子木德繼父職



二十五世考

木公諱德字芳盛號念祖雲林公之長子也雲林公襲府職值速族阿知立捏控案隨蒙改設勒

將產業變賣抵項前代世積搜求一空雲林公遂至無家署理府四十餘日尚未任通判新職抱恨而

沒時芳盛公甫九歲遭家多故莞莞孤苦繼襲通判新職室如懸磬貧乏難堪幸而聰穎天授英

哲性成授業於石屏進士萬公諱咸燕者勤讀詩書洞晰講義依嫡母高氏珍藏案宗事由

查考舊籍那借資斧先恢復些微產業以供衣食及長胆識兼優通稟各憲申訴改設苦情省

城往返數次勞心竭力不避艱險盡瘁感格幸蒙督憲

題請部議准給還土官莊租米京石壹佰伍拾石令赴府倉四季支領始有以供朝夕繼又恢復永

北橋頭刺寶等莊自行徵收辦納錢糧而不失末秩體統凡此皆沾上憲之深惠而荷

盛朝之隆恩也繼則捐修

玉音樓為朝賀公所以昭忠也葺家堂復勳祠之舊以敦孝也將祖遺銅器變價助士子鄉會

之路費以重維桑而興文教也重修堂構竹苞松茂匠心經營百度俱舉是起衰振靡之傑也

公為人根基樸茂器量宏深克勤克儉有忍有容不矜己長謙和可挹持重不佻且勤

學好向於經史易象諸書殫心研究傍通星評相術地理各家自卜塋地叶吉牛眠晚年

恒以琴書自娛優游頤養享清閑之福壽躋六十四歲公生於康熙甲午年四月初四日午時

終於乾隆丁酉年六月初七日辰時

誥授承德郎世襲麗江府通判 正妻高氏順英 係姚安世守高厚德姪女
敕封安人 生二子次名秀頂襲 父職長子名坤在庠年二十病故



二十六代

木秀字鎮岳

死 生



二十七代

木睿

生

卒



二十八代

木漢字映雲

上年

生

卒



二十八代

木漢字映雲

生 卒



二十九代

木景字景陽號曙東

生

卒

三十代 木蔭字椿庭生同治壬戌年卒民國八年

三十一代 木標字建儀號伯藩生光緒甲申卒民國十七年

三十二代 木瓊字佩明號紹藩生於戊申年二月初二日卯時

三十三代 木松奎民國十八年十月初七日申時受生己巳

是正文麗江世襲木土司歷代記錄文

原文麗江木土司之宗支所有木之印信已蓋明立此為據

雲南迤西麗江民國二十年陰歷三月二十七日
一千九百三十一年陽歷五月十四日



I herewith certify that this is a true copy of the historical records of the old Miao Kings now in the possession of the descendants of those Kings, the present Miao family, residing in Lijiang Yunnan, China.

Lijiang, May 14th 1931.

Joseph T. Rock.

